



Pia Hilaria R. P. Angelini Gazæi E Societate Iesv Atrebatis

Gazet, Angelin

Antverpiae, 1629

Dæmon Lutheri magister discipulo suadet vt Missam missam faciat.

[urn:nbn:de:hbz:466:1-70444](#)

„ Si det vehiculum dulce bestia bestiæ?
 „ Si porcus humeris hunc suis porcum gerat?
 Maëste, ô beate Borgia, huius tessera
 Tam bellico/æ, tam potentis hac tui
 Tuis relictâ Posteris, victoriae,
 Hæc te tuorum Cœtui Caput dedit.

*Demon Lutheri magister discipulo suadet
 ut Missam missam faciat.*

Lib.eiusdem Lutheri de Missa, tom. 7. fol. 479.

ATRO nefastæ noctis in meridie
 Lutherus odium Cælitum, terræ pudor,
 (Sacro cucullo nondum in vrticas dato,
 Nequedum coronâ natâ in hispidum nemus)
 Dormibat altum facilè tricenos pedes.
 Miraris? altis & profundis amphoris
 Exhauriendis dimicarat pridie,
 Profunda totus, alta totus amphora.
 Dormibat, arcta nare tam graues trahens
 Retrahensque ronchos, omnis ut viciniæ
 Tecta tremebunda dicerent, Furit Africus.
 Sit venia fandi. Situla grandis ad latus
 Condormiebat dormienti; sed simul
 Condormiebat dormienti mensula
 Vicina, pleni fida custos canthari:
 Fôrs ne arma desint, queis tueri se queat
 (Si solita noctu forsan ingruat sitis)
 Venter adipatus & faburratus probè.
 Erat & propinquum, deque clavo pendulum
 Multifore buxum, vanitatis symbolon.
 Dormibat, inquam, cùm satan olli affuit.

Gena-

Genarum utroque folle tantos spiritus
Vomebat ore Luther, ut tali halitu
Facile molares impulisset branchias,
Ventisque dormientibus, vastam ratem:
Tam graue olentes, tam Mephiticos, sibi
Narem ut quadrifidam satan oppilauerit.

Tunc aure blandum vellicatam surrigit
Lutherus oculos, ne vel hilum territus
Horrore spectri, sit licet trux: efferum
Noscit Magistrum à cornibus: tutus videt
Os tauriforme, noctiluca lumina,
Dentes ahenos, cornua minacissima:
Lætus salutat, atque porrectam manu
Falces prehensans vnguum, dat osculum.
Debuerat arma Christiana attollere,
Munire frontem sacrosanctam testiculam:
Debuerat atram vilibus scopis Feram
Foras abigere: scilicet, factum puta.
Id nempe curat excucullandus breui,
Breuique condus atque promus haeresum
Princeps futurus, plusque quam modium salis
Esurus olim cum parædro dæmone.

E tripode tandem, quo sedebat, eloqui
Cœpit magister pestilentis eloqui:
" Audi Luthere, (verba sunt ipsissima
De fæculento dæmonis gurgustio)
" Perdocte Doctor (tam salute melleam,
Tantæque laudis zinzibere Luthericus
Pulmo calefactus, phlegmatis foras dabat
Putrem faburram, ni metu didascalii
Resorbuisset & retentasset domi)
" Quid si sacerdos non fores? Quid si sacer-

B 5

Eos

„Bos potius esles? iurat id palear triplex,
 „Trinumque menti iugerum. Quid si tuas,
 „Quas rere Missas, dixeru nugas meras?
 „Quid si cucullus, & corona & cingulus,
 „Et quæ propinquiora scribillant cutem,
 „Sint res trioboli, & vilis allij caput?

Hæc ille Torris & Cinflo Tartari.

Discipulus aures mutus attentas dare,
 Ne ypu Lutherus ne uū ausus obloqui:
 Subinde laeuam motat aurem, & annuit
 Risisse stomacho quæ Magister obtulit,
 Quæque improbasset, improbase, quæ proba
 Duxisset, & duxisse confestim proba.
 Vrgere dæmon, concatenans lemmata,
 Et mille nodos, mille cum sophismatis,
 Quæ vel pusillo spiritu promuscidis
 Culex macellus pumilusque rumperet.
 Et obesus iste Pansa se vincatum ratus,
 Futilibus hæret in salébris: interim
 A mentientis ore totus pensilis,
 Fæces ad imas ex Auerni lecytho
 Venena præsentanea miser ebibit.

Annofus exin Architecton fraudium
 Tot paralogismos sc̄eneos & iunceos
 Digo vicissim supputans & hos & hos,
 Femurque palmâ pulsat & terram pede,
 Libransque sursum (sed deorsum crebrius)
 Malè feriatos indices. Diua omnia,
 Omnesque Diuos impedit blasphemias.
 Hæc Suada nigris fessitabat in labris.

Omnia Lutherus totus haurit, ut neque
 Tuffire siccum, non sc̄reare, non leue

Pity-

Pitysma iacere, vix & animam ducere
Inducat animum. Verba vix tandem tria
(Veniā, vt decebat, prærogatā primulū)
Trepidanter affert: tantulum puer, aut anus,
Tantumdem agaso tressis obiectauerit.

Et quæ ipse timidus atque vultu cernuus
Scholaris obmussarat, actutū malus
Reicit Magister voce perterritrepā,
Vibrare visus tela tam trabalia
(Puras reipsā pennulas, gerras meras)
Tantis lacertis, vt repēns occperit
Sudore totus disfluere, totus metu
Pallere Luther: palpitat miser pepo,
Dat penitus herbā, dat manū. O demens Luther
Tam ruere facilis, tamque flecti cereus,
Sic totus harpagaris vincō dæmonis?

Prælectionis bella finis hæc fuit:
Datum est Mineralū & dictatōn Iaferi
Ludi magistro, dum Cucullus, & Pudor,
Omnisq̄ue Probitas, Conscientia, & Fides,
Romana Sedes, visq̄ue Diua Clauium,
Piisque ritus, & dies Abstemij,
Aræque Superū, & cultus Iconum sacer,
Rogusq̄ue Purgans, & voluntas Libera,
Vigorq̄ue Meriti, & ius Rogandi Cælitum,
Placita piorum Christiana Cœtium,
Diuumq̄ue Cineres, dantur in mare Caspium
Portanda vēntis, dum Luther per Dæmonis
Cornuta syllogismata in molli scholâ,
Conclusus in Baroco, fugit in Barbara
Et execranda scelera, & errorum chaos,
Missamq̄ue Mystes impius missam facit.